

ISSN 2249-510X

A Peer Reviewed and Refereed Journal of

Kashmiri Literature and Language

Department of Kashmiri

University of Kashmir

ہم کال کاشتر شاعری منز جدت پسندی

مشاق احمد مشاق

تلخیص:

ہم کال کاشتر شاعری ہندس گنتہ تہ انہارس یا پہلوہس پٹھ قلم تلمنہ و ز
چھ لامحالہ تخلیقی ادبہ چہ کالہ باگیہ ہند نقطہ بٹھہ یوان۔ یہ پرچہ لیکھنگ دس تلمنہ و ز تہ
چھے گوڈ بٹھ کتھہ وضاحت کرنی و اُجب بنان ز سانس تنقیدی ڈسکورس منز چھ یو
پاٹھ کاشتر ہم کال شاعری گوڈ مہجور تہ آزادس نش ہنہ یوان تہ بٹھہ گنتہ چھ یہ الہ پلہ
ہتہ و ز یک پلہ بنان۔ کانسہ تہ سکا لرسند باپتھ اُکس مضمونس منز گنتہ تہ گاجہ بٹھہ پلہ
کرن چھنہ مشکلی یوت بلکہ لگ بھگ ناممکن۔ تہ وونی بیلہ یہ کوشش کرن وول کاٹھہ
یوڈ سکا لرنہ اُستھ مے ہیو اکھ شاعری ہند طالب علمے آسہ تیلہ چھ یہ زیادے پہم
کرن یوٹھ۔ اتھ کرن چھرس تہ زچھرس منز سہولت باپتھ کرویتھ مضمونس منز و ہمہ صدی ہند
سُتر مہ دہلہ یورگن تخلیق سپز ہند کاشتر شاعری ہند حوالے کتھہ تہ یہے مانون فی الحال
حد۔

کلیدی الفاظ: ہم کال، پہلوہس، تنقیدی ڈسکورس، سکا لرانہ، کرن یوٹھ

بیا کھنوقطہ تہ چھ کتھ بز ونہہ پکناونہ خاطر توجہ طلب سہ گو یہ ز شعر اظہار س منز جدت
 پسندی گئے کیاہ۔ یہ چھا شعری اظہار چ ضرورتہ تہ ہر گاہ چھ تہ ایچ صورت کیاہ چھ۔ شاعری ہند کلہم
 تاریخ چھ بیتھ کتھ ڈکھ کران ز جدت پسندی یا نو بر تراشی چھ شعری اظہار چو ووپزا اوک خاصیت و منز۔
 شاعری ہند فن چھ بیتھ کتھ Define کرنے آمت ” Poet gives to airy nothing, a
 local habitation and name شاعر یوسہ ہییت ورتاوتھ پننس تجربس اکھ گرت دتھ پیش
 کران چھ تہ یہ آسہ تہ تہ، پزون آسہ یا نو یہ چھ تھند ذاتہ کہ قابلہ صورت پزاوان۔ پڑتھ انسان
 ، پڑتھ اکھ وجود یا ذات چھے دویمہ ہند کھوتہ بیون تہ منفرد لہذا آسہ پر تھ انسانہ سند ژینن ژنن و طیر تہ
 باؤ ژنن تہ بدؤن۔ پڑس تخلیقی فنکار س چھے یہ انفرادیت لازماً عام انسانو کھوتہ زیاد آسان۔ شاید چھ اکتھ
 صلاحیت Negative Capability: اودنہ آمت۔ وونی گوشاعر ہنن یہ منفرد ذات تہ امہ ذاتہ کہ
 قابلہ تھند شعری اظہار چھ بہر حال کلہم انسانی ذاتہ ژنن اکتھ کھو ماحولس وراثتس منز مچھ لسانی کوفنی روایت
 ستر منسلک تہ بیم ساری عنصر چھ شاعر ہندی ذاتہ کہ قابلہ کس تشکیلس منز شامل۔ بیتھ کتھ شعری کس
 فنس منز جدت کس ضرورتس ستر روایتس ستر پیوستگی تہ لامحال۔ جدتک ظہور چھ اتہ روایت ہندی کاٹھہ کر
 منزے سپدان۔ ژیننک ژننک تہ باونگ بدؤن ہنن چھ ہم کال تہ ہمنو اشاعر منز تہ پھیر ہا و خاصیتون
 زخم ووان۔ صوفی نہج ہند بن و ہمہ صدی ہندی سائن دون اہم تہ ہم کال شاعر من صد میر تہ احد زر گرنس
 شعر اظہار س منز فرق چھے ایچ اکھ مثال۔ طرز اظہار ک یہ پھیر چھ ہمہ اوست نظر یکو تجربہ اظہار کران
 والہن دون شاعر ان اکھ اکتھ نیشہ بیون کڈان تہ اکتھ ستر شاعری ہندی کھوتہ زیاد توانا تہ توجہ طلب
 بناوان۔

بہر حال یہ آہِ منتری کتھ۔ کلہم کاشتر شاعری منظر اظہار چہ جدت پسندی اعتبار چھ سانو
 نقاد و ترقی پسند تحریک ہند زور کم گزہنہ پتہ و ہمہ صدی ہند ستم دہیل اکھ اہم موڑ گزرو و موت حالانکہ تم چھ
 یتھ کتھ پٹھ تہ متفق ز ترقی پسند تحریک رو ز کلہم گرتھ کاشتر زبانی منظر شاعری ہیتی کیو موضوعی اعتبار تو و طرح
 دلس منظر واریاہ پھر یژتہ امینگ براہ راست یا ورگہ دیت چھ واریاہ۔ وونی گویہ زن گوڈے عرض کرنہ آو
 پلہ کم کرنہ باپتھ بیو اسی سیو ڈے ستہ تھہ کس دہلس کن تہ کاشتر زبانی منظر شعر اظہار منظر اتہ پٹھ آمتس
 بدلاوس پٹھ کرو ہنا کتھ۔

ادبی مورخ تہ نقاد پروفیسر شفیع شوق چھ و ہمہ صدی ہنز کاشتر شاعری ہند تذکر
 کران۔ کتو ہمہ صدی ہند س شنیپہ مس دہلس منظر لیکھنہ آمہ ”نابد پٹھ ون“ ناوچہ نظمہ کاشتر منظر جدیدیت
 کہ تصویر لیکھنہ آہو گوڈنچ نظم گزراوان یتھ منظر دینا ناتھ نادمن کاشتر شعری اظہار منظر جنسی وصل
 بصری طور بڑ و نہہ گن اوون۔

بجلی بتہ اندر اندر گم جو ریاہ

و پکس پٹھ مہرتن مہرازاہ

ہتھ گور شہلس تل ٹیکہ پٹو

وونی دراہو ووبہ کنو چو کہ لو تھ

کس تام سالی ورنہ اندر گمہ ڈر

سمپلی مشکن ڈری چس دکہ دیت

منظر گامہ چھ پھو لمت ژندن گل

نیلس پردس وژھ تھتھرایاہ

گلی پترامہ سرائس درامہ

شوق چھ کاشر شاعری مژجدتہ کس اتھ اہم موڈس مزید وکھنے کران لکھان ز ”نو
شاعری باپتھ اُس نو زبان تہ نو ہیت ضروری۔ یہ ضرورتھ کررجمان راہن محسوس واریاہ نظمہ تہ غزلہ لیکھتھ
دُن کاشر شاعری اکھ نو وانداز بیان۔ نوروز صباچہ رومانی شاعری پتہ کرگرمی پوتس پتھ کیشہ تھتھی تجربہ بیم
عصری زندگی ہندن پیچید سوچن تر این تہ بسیار پاسلو تجربن باوتھ دنہ باپتھ مناسب شعر زبان تہ ہیت پاد
کرنس مژ مفید ثابت سپدی۔ راہی سز یہ نو شاعری چھ تہنہ پزانہ شاعری نشہ کیشہ بنیادی فرق
تھاوان۔ اکھ یہ ز شاعری خاطر مناسب تجربہ چھ سے یس شاعران پزانہ شاعری نشہ بوزنہ بجایہ پانہ گنہ
مخصوص زمان و مکان کس حلقس مژ رو زتھ ثیو نمٹ آسہ۔ دویم یہ ز شاعری ہنہ زبان نہ چھ اورے
وزان تہ نہ چھ امہ باپتھ کانہہ مقرر قاعدہ۔ یہ چھ شاعر س تجربہ کہ زیاد کھوتہ زیاد تر سپلہ باپتھ محنت کر تھ
ژہارنی یا گرنی پوان۔ تہ تہیم یہ ز زبان گڑھہ خارجی انکاروتہ لاگنہ آمہ موسیقی نشہ آزاد آسہ۔ ژو ریم یہ
ز شعر چ یا نظمہ ہنہ یہ ہیت گڑھہ تجربہ عمل یا حرکت ڈرامائی انداز پیش کرنہ باپتھ موزون تہ معقول
آسہ۔ شاعری ہند یہ انداز کو راہن درجہ بہ درجہ اختیار۔^۱

سوال چھ پاد سپدان زیزہہ نو بر تراشی ہند ضرورت کینا ز پیو و۔ یہ آیا و پز اوک پاتھ
تخلیقہ کہ تر سیلی و سپلہ رگلو بارسس گنہ گنہ فائشنس زیر اثر۔ امیک کیناہ فایدہ یا نوقصان ووت۔ کلہم کر تھ
کاشر زبانی ہندس شعر سرائس۔ ظاہر چھ ز یمن نقطن سنن والین تہ دل دنہ والین ہنہ رارے آسہ نہ ہشی۔
وونی گونو شاعری ہند کریم پیانہ پانناونگ موقعہ تہ گجائش اُس باقی رو ایتی صنفو مقابلہ نظمہ ہنہ صنفہ

منزلے ممکن تہہ ہتھہ کنی چھہ کاشر شاعری منزلت پسندی ہندی زیادہ بہم تجربہ نظمہ منزلے نظر گڑھان تہہ
 سہہ تھہ کہ دہلہ پتہ چھہ کاشر نظم ہتی کہ موضوعاتی اعتبار سہٹھاہ ووتھہ و اشربان۔ چنانچہ مجروح رشید چھہ امہ
 کتھہ ہند بر ملا اظہار ہتھہ کنی کران ”نظم چھہ وونی کاشر شعر اظہار چ اکھ معتبر و سپلہ بنیا ہتہ اتھ چھہ وونی
 اکھ مستحکم روایت ڈکھہ۔ یو دوے نظمہ ہندی آکار تہہ انہار اسہ پزائین شاعرن ہندس کلامس منزل ہتہ بیتہ
 نظر چھہ گڑھان تاہم سپر نظم بحیثیت صنف ہتہ صدی دورانے کاشر شاعری منزل کہ نو طرز اظہار رنگو
 معارف تہہ اُمر اُنی پانس ہتہ نو طرز اظہار علاو نظمہ ہنز ہینہ ہندی نو طرز تہہ بارس بیہم ہتہ کاشر
 شاعری ہندس آہنگس منزل کشادگی تہہ و سجا پاد سپدی“۔ ۲

مجروح رشید نہ راہ بر عکس چھہ رفیق راز شیطہ کس و ہلس منزل و تلمیٹس کاشر شعر اظہار
 کس اتھ اوس رجانس متعلق ونان زامہ ہتہ ژھیون سانس شاعرس پرن والین ہتہ رابلہ تہہ کاشر
 شاعری ہندس تار تھس منزل گو و گوڈ نلہ لہ و اتنا ورک مسلہ پاد۔ ”وہمہ صدی ہندس ہتہ مس یعنی شیطہ
 کس و ہلس منزل گے کاشر شاعری منزل کینہہ نو رجان دا خل۔ یمن رجان آواصلہ حی طور جدید تنگ
 ناوہنہ۔ یہ جدیدیت آہ کاشرس منزل زیادہ پہن ہندی تہہ اردو پٹھہ تہہ کینہہ ہاسپد سیو دانگر بزی پٹھہ تہہ۔ امہ
 جدیدیت کو رجان گے یورپس منزل گوڈ نلہ جنگ عظیم پٹھہ، کینہہ ہا صنعتی انقلاب کن تہہ کینہہ ہاہ از را پاؤنڈ
 تہہ T-S Eliot ہند بو تنقیدی نظریاتو کنی رائج۔ بیہمہ ساتھ اسہ امکو اثرات قبول کر کے تمہ ساتھ اس یہ
 جدیدیت کی تحریک یورپس منزل آخری شہہ ہوان۔ وہم صدی سورس تام روڈو اکثر قابل ذکر کاشری شاعر
 یمنے نام نہاد جدید رجان آبیاری کران۔ اس گے جدیدیتس پتہ ہتہ زامہ ژھیون پرن ولس ہتہ رابلہ
 تہہ کاشر شاعری ہندس تار تھس منزل گوڈ و شاید گوڈ نلہ و اتنا ورک مسلہ پاد“۔ ۳

پز چھہ یہ زکاشتر زبانی منر چھہ او تام ہتہ وادو رکی یو پٹھہ شاعری پر نہ بجایہ شعر بوز پنچ
 روایت غالب روزہ۔ گرن منر اوس کتاب پر نک رواج بیتہ کتاب خان یا داستان گو کلامہ بوز ناوان
 اوس۔ تکلین، درویش مخفلن تہ کھاندرن کھنڈرن منر اسی گبون واکر شاعری بوزن والہن تام واتناونک
 و سہلہ۔ ظاہر چھہ ز شمیٹھہ پتہ رائج شعر رجحان بناو شاعری بوزنہ بجایہ پر نک چیز تھہ کنز ہر گاہ شاعری
 سازس پٹھہ کھستہ بوزن والہن تہ نوہن شاعرن در میان دو ربر تہ یاد گو و تھہ گو شاعری پر ن والہن ہنڈ
 اکھ حلقہ یاد یا تھہ ہیو حلقہ یاد گزہنک امکان آو بار س۔ پتر مین ز تہی ہن و رکی مین دوران کاشتر زبان
 نظام تالیمس منر داخل سپد نہ کنز تہ چھہ شاعری پر ن والہن ہنڈ اکھ حلقہ یاد گو مت، بیکن کونہ آسہ
 شاعری نصابی ضرورث و کنز پر ن پوان۔ یہ کتھ تہ چھہ توجہ طلب ز انگش میڈیم تالیمہ ہنڈس رجحانس زیر
 اثر چھہ نو جوان ہنڈ اکھ حلقہ کاشتر ادب انگریزی ترجموڈ رکی یہ پر نہ لوگمت تہ بیکن دوشوہنی حلقن ہنڈ خاطر
 آسہ ہے جدت پسندی ہنڈ امہ رجحانہ وراے کاشتر شاعری ہنڈ اپیل سبٹھاہ کنور۔ شاید چھہ مجروح رشید ہم
 کال شاعری ہنڈس اتھ نوہنہ اظہار طرزس امہ گاجہ سانہ کلہم شعری سرمایک باڈو کشادہ کرن دول ماہتھ
 لکھان۔

”پتر مہ صدی ہنڈ پونڈ مہ دہلہ پتہ ہیوٹن سانہ شاعری ہنڈ خمیر وارے بدلن۔ یہ
 تبدیلی رونما سپد نس منر یس رول فراق، کامل، نادم، رآہی، خیال تہ عازم ہو بو شاعر و ادا کو رسہ چھہ
 تو آرنجی اعتبار قابل قدر۔ بیو شاعر و کوڈ مواد تہ ہیو ہنڈس سطحن پٹھہ شعر لکھنک سہ طریقہ کار بدیس
 دس زندگی ہنڈس تاز و آرد مسلن وے و ن اوس تہ نوس قاری سنزن جمالی ضرورثن تہ اوس پور
 کران۔“

”جدید انسانہ ہندو وجودی مسلہ، تکر ہندو نفسیاتی گھری، پتھ کالس ستر تیسز
 بیڑاری، عقیدہ شکنی تہ دور جدید کر دؤیم چلیخ بیسے سانس شاعر ہند خاطر ساروے کھوتہ اہم بیہمہ کنز
 موضوعی رنگارنگی بارسس آہ تہ سانہ شاعری ہند باڈوسپد کشادہ۔ ۴

مجرور رشیدنی پاٹھی چھ شادرمضان تہ کاشر شاعری منز 60 کہ دہلہ یورگن بارسس
 ینہ وائلس اتھٹوس شعر اظہارس پھر ڈتہ فاید مند گزراوان۔ امہ احسائی تہ فکری تبدیلی ہندی آثار چھ
 کاشر شاعری منز شیمہ دہلہ کین اُخری وری من منز نمودار سپدان تہ وار وار سپد یہ رجمان احسائی لحاظ
 کشادہ تہ تخلیقی اعتبار و سوار۔ شاد چھ امہ تخلیقی رجمانک ساروے کھوتہ اہم تہ سر کرد شاعر رحمان راہی
 لیس مانان۔ ”پز رچھ یہ زراہی ہند ڈسپد کاشرس منز موخصر نظمہ ہند اکھ توجہ طلب فنی معیار دستیاب۔ سہ
 چھ گوڈنچہ لٹہ کاشر موخصر نظمہ معنیہ کہ صورت اعتبار پز نہ پاٹھی تخلیقی قوت بخشان۔ موضوع ہنگ ڈرامائی
 ووپزا و، لفظن ہنز موزونیت تہ باڈو ہند اختصار چھ اہند شعر اظہار چہ پھیپہا و خاصیر و۔ ۵

کالہ پچھو وئے نش شوقہ کتھن کن داتھ
 داوتو ہانگہ کس حال سپد بایوس
 تکر مگر یو زاڈے کتھ تہ ہند میٹھیس
 بوولا ہیو یہ ووتھس بجلی پاورتو ووم
 بالہ ہبڈ راہ ہیو وچھم وریہ روس اندکن لوگمت
 نندر منز مس تہ وٹھن مشکہ برتھ ٹور پھولان
 منز ڈکس عارقہ پھو یو راہ تاز طلوع سپد مت
 ظاہراہ اوس وچھان خالی سو باقے اڈکتھ
 ظاہراہ اوس نوقطہ پھولاہا ہانگہ مری مری زامت

کاشر شاعری ہند بن مجروح تہ شاد ہون مدرس نقادن برعکس چھ رفیق راز شعر
اظہار چہ اتھ تبدیلی اکھ فاشن گنزاوان تہ ونان زاتھ برعکس 1990 تہ پتہ کیو وحالاتو زیر اثر شعر اظہار س
منز آہ تبدیلی تہ پاد گومت اسرار لہجہ چھ زیادہ Genuine۔

”جدیدیت کس ناول تل یوسہ شاعری اسہ تخلیق کرتھ اوس نہ سانہ زمینہ تہ سائن
مخصوص حالات ستر کاٹھہ واٹھ۔ اسہ اپنا وک کیتھہ رجحان بطور فیشن۔ سون طرز اظہار تہ اوس ووپرے۔
نظم تہ غزل منزیہ کینہہ ہا باونہ آوتہ اوس نہ پانہ قلم کار نہ ڈس محسوس کرنہ آمت یا ٹینہ آمت تجربہ بلکہ
انگریزی نظم ہندس طرزس پٹھ تھر نہ آمت چیز یمن منز نہ سانہ میڑ ہنز کاٹھہ خوش بووے اُس تہ نہ سانہ ہتہ
وادو رکی یمن ہنز رو ایڑ ہنز کاٹھہ زٹ“۔ ۶

راز چھ امہ پتہ پننس ا کس مضمونس منز نمتہ پتہ کو حالاتو کز شعر اظہار س منز آمتہ
بدلا وچ وکھنے کران لکھان۔ ”کاشرس گوتہائی ہند احساس تہ پن پان باسیوس پر ژھون تہ غار محفوظ۔
ا مس گو وپنہ مؤلوش ژھونہ نک تہ احساس۔ یہ رو دستقبل شیر نہ پانہ بدلہ شائت تہ بدست پتہ کالس
گن وچھان۔ یہ رو دنار ژھونہ بونہ پتہ کالک شہجار منگان۔ تیتھ ماحول گو پاد پینن مذہب ذہنی
پسماندگی ہند نشانہ آونہ مانہ بلکہ تیمہ کہ برکتہ تنھو حسی کیفیات تہ نفسیاتی تجربہ محسوس آہ کرنہ یمن ہنز
منطقی تہ عقلی وضاحت کرنی کاشرس پانہ تہ دشوار باسیوو۔ امہ کے برکتہ گے کاشر شاعری منز کیتھہ
اسرار لہجہ تہ لہجہ پاد۔ اتھ اسرار لہجس ہر گاہ مذہبت ونویہ مذہبت پیہ اسہ مذہب کہ رسمی تصور نشہ الگ
تہ مختلف مانو۔ امہ مذہبت کو مقاصد چھنہ سماجی، اخلاقی یا تہذیبی بلکہ خالص نفسیاتی تہ جذباتی۔ کے
رفیق راز ستر ہم خیال ہتھ چھ مجروح رشید تہ ہم کال کاشر شاعری منز اکھ نو تخلیقی

ہو انو اپا دگوتھنگ اکھ فیکٹر غار یقینی صورتحال مانان، مگر تھندی کنی چھنہ یہ صورتحال 1990 تہ پتے زاسن لبان بلکہ برصغیرس 1947 یس منز گمڑ چھلہ ودر چھے انج بنیاد تہ اوے رو دیہ احسائی سو تھرس پٹھ 90 تہ بڑو نہہ تہ اکھ عنصر تیج تہہ اتہ اور ہر یہ۔ مجروح چھنہ اوے ہم کال کاشر شاعری ہندس طرز اظہارس منز 60 ٹھہ یور آمز تبدیلی نشہ 90 تہ پتہ چہ شاعری کا نہہ انحراف مانان بلکہ ہم کال شاعری منز اتھ سارے تبدیلی اکہ وسیع کنواسک حصہ مانان۔

”پزر چھہ یہ زسانی نمائندہ تہ ہم کال شاعری چھے پنہ مزاز کنی شہری، پراو لحاظہ Sophisticated تہ وسعہ لحاظہ عالمی۔ یہ تخلیقی ہونو اپا دکر نس منز چھہ تھ غار یقینی ہندس صورتحال تہ اکھ اہم رول یس برصغیرس منز وہو بدلا وک بدلا وک طاری رو دتہ تیگی کاشر نمائندہ تہ اجتماعی Psyche ہند اکھ جزو لاینفک ہتھ کاشر نفسیاتج تربیت تمہ انداز کر ز اجنبیت و تلمیہ بر ملا پٹھ تہ نامیاتی اندازس منز تہ۔ یشہ تہ پڑھ بنیہ انج گوڈنچ کچولٹی۔ کھوروتل ژج زمین رکنہ تہ کلہ پٹھک اسمان گو وغائب۔ ڈکھی سپدی آب تہ علمکو سالا بن تہ بسیار گاشکو دگوشن و بسرا وک انسان ہندی ہوش و ہواس تھ حدس تام ز شاعران تام پپو و قدرن ہند اکہ نو نظامک ضرورتھ تہ باؤ ژ ہند بن تاز ولن ہند تلاش بنو و تھند تخلیقی منزل۔

△

امین کا مینڈی ”زیر و برج“ تہ پزینڈی شاہراہ“ فراق سہنر ”دریاو“ تہ ”یار بل“ خیالڈ ”ریشما“ عازم سہنر ”لغزش“ مرغوب سہنر ”اشتہار“ تہ فاروق نازکی منز ”ڈایلاگ“ ہشہ نظمہ چھے پزینہ پاٹھی کاشر شاعری منز امہ نو تخلیقی منزلک پنہ پنہ آہ پے دو ان تہ تھگی نمونہ چھ پڑتھ نمائندہ شاعر ہندس کلامس منز بدس سپدان۔ وونی گو پڑتھ چیز یس جدت پسندی ہنڈ اتھ ر و شہ تحت لکھنہ آوہیکہ نہ پاسہ

آستھ تہ تنھ کر تہ چھ واریاہ نمونہ نظر گڑھان بیتہ نہ نظم، تجربہ بنتھ فنک مطلوبہ وشنیر پاد کر تھ چھے ہرکان۔
سانو نقادو چھے اتھ سلسلس منز ”صدرا“ نظمہ سان را ہی ہنزن کیشن نظم ہنزنہ نشاندہی کر ہنزنہ رفیق
راز چھ غالبن تنھ ہو کر نمونہ نظر تل تھا و تھے اتھ رجائس فاشن گنزاوان۔

شعر اظہار چ یہ جدت پسندی چھے ہم کال کائرس غزلس منز تہ ہوتہ بیتہ در پٹھ
یوان۔ وونی گو غزلس منز چھنہ امہ کہ گنڈ تھ ژو پرتھ ہیتی ڈھانچہ سببہ نو بر ترا شی ہنزن زیاد گنجائش۔ بقول
شفیع شوق ”غزل چھ مشرقی شاعری ہنزن تہ ہے شاندار، مند بانو تہ باوقار صنف یڑھ کلاسیقی رقص منز
بھارت ناٹیم یا کتھا کلی ہمشہ صنفہ چھے۔ تی چھ کر ن تہ تنھے پاٹھ کر ن یہ تھہ پاٹھ کر پڑا ہو کو رمت
چھ۔ وجہ چھ ز کلاسیقی رقص، کلاسیقی موسیقی تہ کلاسیقی غزل تہ نوے چھ مشرقی شاعری دربارن منز بارس
آء ترن۔ سکہ بند، تال سر، مقام تہ خیال چھ ر ل تھ فنی شکل پڑاوان تہ کہ خاص قسمک جمالیاتی حظ دوان
یُس گنڈ تھ موقع محل ژھانڈان چھ“۔ ۹

غزلچہ اتھ تنگ دامنی پٹھ چھ برصغیر چین زبانن منز واریاہ بحث چلیو مت، تہ کر تھ تہ
چھ رحمان راہی ہم کال کائرس غزلس منز جدت پسندی ہند حوالہ تہ بن بڈین رجائس ہنزن نشاندہی کران۔
”زبان ہند بن ورتا و حسابہ مانون اکھ رجائس تھ تحت زندگی ہند بظاہر بڑ وٹہہ کنکو
حقائق یا تجربہ بظاہر گنہ ہنر مندائہ تگن گری وراے بیان سپدان چھ۔ اتھ رجائس تحت چھ معاملن متعلق
روہ، منکرانہ سنجیدگی بجایہ گندواے شوق تام طنزی باسان۔ مثلاً امین کا ملنڈ نمایندہ غزل۔ بیا کھ رجائس
چھ زندگی ہند بظاہر معمولی یا وکی وکی ولس منزینہ واکر تخلیلی تجربہ تڑھہ نیم رومانی تہ نیم کلاسل زبانی منز
پیش کرنک رجائس نیمہ کنز فکری سنہ ریاوتو اے شوخی یا طنز کھوتہ زیاد اسرار آمیز طلسماتک حارتہ پور ت

احساس و ویدان باسان چھ۔ مثالے قاضی غلام محمد تہ رفیق رازنی غزل۔ یمن دون رحمان روبرو چھ
 تزئیم اکھ ممتاز رحمان۔ تھ تحت روزم زبانی کھوتہ زیاد ادبی زبانی اندراوہر گوبر زندگی متعلق تفکر لہجہ
 پھانپھلاوان باسان چھ۔ مثلاً شفیق شوقن زیر تبصرہ غزل۔ ۱۰

یہ مضمونس منز چھنہ محال زہم کال کاشتر شاعری ہندس طرز اظہارس منز جدت پسندی
 حوالہ یہ شعر نمونہ پٹھ تفصیلہ سان کتھ کلامہ کرنہ۔ یہ منظم مطالعہ ہیکہ کرنہ تھ تہ بنان چھ کاشتر شعری
 کانسہ سکارن آسہ یہ کام گوڈے در دست نمونہ۔ شعر نمونہ پیش کرنس منز دقت چھنہ یہ تہ ز تھنہ نمونہ چھ نظم
 منزے پیش کرنی تہ نظم چھنہ چونکہ کلہم کرتھ اکھ آرنگک ہول آسان او کئی چھ کتھ تہ نظمہ منز اختیار کرنہ
 آمتس شعر اظہارس وکھنے وبتھ ہنے کرنہ باپتھ واریاہ وق درکار۔ بہ کرنہ مضمون ہم کال کاشتر نظمہ منز شعر
 اظہار چہ جدت پسندی ہندس ووتھہ وائرس متعلق مجروح رشیدنس۔ تھ اختصار برتس اقتباس پٹھ وٹچ
 کوشش۔

”کاروان رُود پکان، رفیق راز، شفیق شوق، گلشن مجید ہوی شاعر و پڑا و معتبر شعری
 آوازن ہنز صورت۔ رفیق راز سپد پنہ رومانی فکر تہ مشرقی حس آگاہی ہند مدتہ زندگی ہنز بے معنویت
 کاپہ رٹنس منز کامیاب۔ شفیق شوق تہ گلشن مجید پھسپیہ بے معنویت ہندس دللس منز۔ یہ صورتحال بنیو و
 تہند خاطر ڈاڑ تہند المناک صورتحالہ کھوتہ تہ زیاد اہم تہ باؤن لایق۔ راز چھ مذکور مشرقیہ کئی ونہ تہ شٹھہ
 عروضی پابندی ہند احترام کا چھان تہ واریاہ دوس چھتس امہ باپتھ مٹھہ مٹھہ کران۔ نادم، راتھی، کال تہ
 شوق ہوی شاعر رُود شعوری طور امہ شٹھہ گی نشہ لوب۔ شفیق شوق چھ گلشن مجیدس مقابلہ جدید شعری رویہ
 منز خیال آراہی تہ اسلوبک اکھ مخصوص رنگ تہ فریم ورک گران بیلیہ زن گلشن مجید شعری چوکاٹس تھس

نہیں چھ کران۔ یہیں دوشوہنی ہند شعری طریقہ کا چھ Non Confirmist اور کنو میول نہ یہیں قبول
 عام ہتھہ کنو زن رفیق رازنس شعری طریقہ کارس میول۔ رازنس طریقہ کارس سپدی واریاہ دوست بے
 شوہکو پاٹھی عاشق تہ تمو بنوہ پُن آنیڈل اتھ سلسلس منزشہناز رشیدا کہ رثرتہ قابل توجہ مثال۔ حالانکہ یہ
 روایت بز وہہ پکناونس منزکو رشبم گلزار، فاروق فیاض تہ دویمو شاعر وقابل قدر رول ادا۔“۔
 اُخرس پٹھ چھے یہ کتھ وئوتہ ضروری زہم کال شاعرن ہندس کاروانس منز چھے نسیم
 شفائی اکھ تاز فکر شاعر یوسہ نسوانی مسلن پنہ شاعر ی ہند ہر تر بناوان چھے۔ اتھ سلسلس منز چھے رخسانہ
 جبینہ ہنزم کاسے لکھنہ آمزہ کاشر شاعر ی تہ نو آواز نگہت صاحبہ تہ واریاہ توجہ طلب۔



حوالہ جات

- ۱۔ کاشر ادبگ توارنخ
- ۲۔ انہار نظم نمبر
- ۳۔ انہار کاشر شاعر ی ہیت تہ حسیت
- ۴۔ انہار نظم نمبر
- ۵۔ انہار کاشر شاعر ی ہیت تہ حسیت
- ۶۔ انہار کاشر شاعر ی ہیت تہ حسیت
- ۷۔ انہار نظم نمبر
- ۸۔ انہار غزل نمبر

۹ انہارغزل نمبر

۱۰ انہارنظم نمبر